



鈔本青山集

六本三十卷

宋郭祥正功甫撰

繡谷亭尺鳧公

舊藏孤本

康熙戊戌得青山集後二十卷編題六卷其明年
己亥借家石倉本補完前十卷又四年癸丑正癸
卯始裝整成帙亦其舊序不可得姑以通考及
居易錄存之而白其冊首以誤據錄乃題其籤
曰青山集完本摠三十卷可以仍通考之目也新
城所見亦止後二十卷其云七古僅二篇皆在前十
卷中然編次宜先五言而後七言且七古末間雜
近體以此本亦恐出後人輯錄非原編也青山古詩
佳置之小言宛陵間詢坊伯仲呂氏錄宋人至
百家而斯石與世異可與言詩哉

是歲七月二十又七日



馬氏通考青山集三十卷

陳氏振孫書錄解題云朝奉郎當塗郭祥



正功父揆初具賞于梅聖俞後具知于王介甫
仕不達而卒李端升晚寓其鄉祥正與之爭名
未嘗同堂至為俚語以譏諷則其為人不足
道也

張溥休評郭祥正詩如大排筵席二十四

味終日揖讓而入口者少



漁洋山人居易錄



郭祥正功父青山集函謝氏寫本六卷古詩
二卷近體詩四卷七言歌行僅二篇或有
闕文也祥正多與王安石倡和之作李之儀
映居姑孰與祥正有隙至為詩排詆最力
蓋各有所主也方安名當國祥正上言請
以天下大計專聽相公區畫罷一切異議

者其人可知已待格亦不高偶喜其三絕
 句云原武城西看杏花綠紅雪委泥沙
 何如姑孰溪頭見始水蒙烟小謝家又渡
 江乘興泊江干草窺殘花色未乾惜在
 釣魚船上住一簑一笠伴春寒又籃輿投
 曉出重城桃李無言似有情淡白輕紅能
 幾日可憐吹洗過清明又句有稻秧才一寸
 蚕子始三眠



青山集目錄

卷一

姑蘇行

桃源行寄張兵部

廬山三峽石橋行

鸚鵡洲行

潛山行

山中樂

將歸行



送姚彥經詩行

九華山行

谷簾水行

金山行

山中吟

東林行

圓通行簡慎禪師



韶石行

武溪深呈廣帥蔣脩

撰

松門阻風望廬山有懷李白

苦寒行

二首

武夷行寄劉侍郎

姑熟堂歌贈朱太守
宣詔廳歌贈朱太守

濟源草堂歌贈傅欽之學士

寄題蘄州涵輝閣呈太守章子平集賢

宣州雙溪閣夜宴呈太守余光祿

寄題洪州潘延之家園清逸樓

寄題德興余氏聚遠亭

留題潛山山谷寺

留題九江劉秀才西亭

留題西林寺攬秀亭

青山集卷一

當塗郭祥正字功父

詩行

姑蘇行

送胡唐臣入幕又
送朱伯原秘校

登姑蘇望五湖
范蠡扁舟竟何在
吳王宮殿惟荒墟
使君誰何好平恕
寬則脂韋猛則虎
只今卧治聞黃公
更得高才歸幙府
願令里巷謠召南
風化流行成樂土
昔年引對大明殿
國論軒動人主
往持使節臨朔方
威霽秋霜愛春雨
玉上青蠅誰強指
鼻端有

聖寧傷斧升沉偶爾非吾嗟不用東方且為鼠豈聞
絕代無佳人何必西施妙詠舞盛傾綠酒贍肥鱸承
詔還從大梁去

冷、浣溪水悠悠、天柱雲行水光動水洗雲影分幽
人坐卧吟孤絕迥出群資彼雲水秀釋此塵垢紛胡
為條言別扁舟連夜發往登姑蘇臺而望太湖月却
尋史遷迹但見蒼煙滅覽古竟論今治具校工拙有
才不得施著書貽後世何必腰黃金自享千載貴鱸
魚秋正熟雲泉味尤美若逢吳市門更訪長生理

送姚彥經詩行

春風動地吹春去行人不肯江邊住片帆朝掛暮千
里烟霞蒼茫宿何處聞君少年日射策明光宮同時
得意三百輩上林曾醉桃花紅十餘年間事超忽幾
在青雲幾白屋君雖未甚榮亦足有餘樂存心不負
聖與賢何須畫影凌烟閣潯陽城頭古樓壯邂逅相
逢觀瀆漲魚龍奔走勢莫分却憶當時兵火愁殺人
至今戰場無綠草冤魂夜哭寒蟾老臨風漉酒一平
之而我浮生何足道聊為君行詩數教青山截斷江

流平晴雲相對似能舞野鳥好語如吹笙却把閑愁
付滄海身雖離異交無改若訪蓬萊王母家為攀琪
樹遙相待

桃源行寄張兵部

武陵溪上青春暮昔人傳有桃源路時見落花隨水
流咫尺神仙杳難遇神仙有無何可量但愛武陵山
水強松烟竹霧水村暗鳥啼猿嘯花雨香車輪不來
塵空絕日月自與乾坤長聞君取身欲長往永熟良
田給春釀陶然一醉萬事休還我天真了無象生胡

為榮死奚感為笑紛、避秦客一身千歲何足論更
向漁家寄消息

寬神交兩相許倒提金斗傾濁醪滴瀝招魂寂無語
斜陽銜山暝潮退兩、漁舟迷向背便欲因之垂釣
竿六菴一擲天門外

九華山行

群山秀色堆寒空九華一簇青芙蓉誰云九子化為

石聚頭論道扶天公深巖自積太古雪燭龍縮爪羞
無功湍流萬丈射碧落此源直與銀河通塵埃一點
入不得煙霧五色朝陽烘有時昏、雷電怒崩崖裂
壁揮長松龍作雨虎嘯風白日變明晦九子亦慘容
禍冠釋氏胡為笑傲於其中我將學彼術卷舌
求童蒙天公信玉女號令不爾從嗟爾九子竟何補
非泰非華非衡嵩

廬山三峽石橋行

銀河源、天上流新秋織女望牽牛洪波欲渡、不

得比鵲為橋誠拙謀胡不見廬山三峽水此源亦接
明河底擘崖裂嶂何其雄崩雷泄雲勢披靡飛鳥難
過虎豹愁四時白雪吹不收燭龍此地無行迹六月
遊子披貂裘誰將巨斧鑿大石突兀長橋跨蒼壁行
車走馬安如山下視龍門任滌激寄言牛女勿相疑
地下神工尤更奇喚取河邊作橋棟一年不必一佳
期

谷簾水行

嶄、青壑仙人居水精簾掛光浮、扶音中有天樂振

天響真珠瑋淙碎珊瑚常娥擁月夜相照天光地瑩
倒玉壺又云玉皇醉玉液瓊葦千尺從空鋪卧來北
斗諫以起驚風吹落青山隅浴、萬古萬、古竟誰
能辨為真虛我未吟哦不知晚山雲四暗山魑呼安
得長鯨駕天陰下跡靈源知有無

鸚鵡洲行

猛虎磨牙噬九州禰生何事未撮麻黃雲屯、宴賓
客故衣脫去更岑年漁陽參樞曲殺苦壯士銜悲寂
無語漢朝社稷四百年海瀉濤涼一盃土嗟哉鼓史

狂而癡天運徃矣安能追四方血戰殊未已三赤稅
杖真何為君不見武昌之國鸚鵡洲至今芳草含春
愁可行則行止則止死無所益令人羞死無所益令
人羞黃祖曹公均一丘

金山行

金山杳在滄溟中雪崖冰柱浮仙宮乾坤扶持自今
古日月髣髴躔西東我泛靈槎出塵世搜索異境窺
神工一朝登臨重太息四時想像何其雄卷簾夜閣
掛北斗大鯨駕浪吹長空舟摧岸斷豈足數徃、霹

靈樞蛟龍寒蟾八月蕩瑤海秋光上下磨青銅鳥飛
不盡暮天碧漁歌忽斷蘆花風蓬萊久聞未成往壯
觀絕致遙應同潮生潮落夜還曉物與教會誰能窮
百年形影浪自苦便欲此地安微躬白雲南來入我
望又起歸興隨征鴻

潛山行

笑別姑熟州來作潛山遊潛山聞名三十載寫望可
以銷吾憂晴雲如綿掛寒木廣溪鏡靜涵明秋山頭
石齒夜璨、疑是太古之雪吹不收信哉帝祖駐鑿

躡異景怪變誰能求若非青崖見白鹿安得此地排
珠樓群仙長哦空洞絕綠章封事乘^虛翰靈鳥盤旋老
鶴舞華燈散采祥麟浮噫吁噦漢武登壇求不得明
皇夜夢推五百寧知司命抱真符為宋真人開社稷
詔書教下脩琳宮殿閣縹緲平諸峯六朝德澤施愈
遠九天福祐來無窮君不見潛山之下潛水之涯菖
蒲有九節白朮多紫花採之百拜獻君壽陛下盛德
如重華

山中吟

山中吟白日長碧霄泉暖菖蒲香仙翁勸我採為食
登高遂覺足力強登高望遠、思發春風浩、天茫
茫美人一別隔滄海青鳥寄與雙明璫青鳥東飛亦
不返草色綠縹雲徜徉草色幾回綠雲飛無故鄉魂
迷夢斷竟何在山中吟白日長

山中樂

尋山佳興發一夜渡江月首到廬江元放家水洞清
光散鬢髮愛之便欲久棲息又聞靈仙之境啟金闕
清風吹我衣不覺過皖溪危梁千步玉虹卧松行十

里青龍歸煙霞繞脚變明晦忽見殿閣鋪瑠璃重簷
却在迥漢上倚欄俯眎白日低虛庭自作簫籟響屋
角更無飛鳥飛霓幡重、蔽真御髻鬢遙見星文垂
長廊紗籠絕筆畫老龜穩載青瑤碑更逢道遥不死
客齒清髮翠桃花肌蕭臺可到亦非遠雲間况有白
鹿騎紉窺絕景輒大笑吾曹何事塵中為安得良田
三百畝可以飽我妻與兒長年只在名山裏萬事紛
紛都不知

將歸行

男兒四十無所成，可憐鬢髮霜華生。
長書朝奏夕命相，此事故非言不行。
低徊却入邵陵幕，梅嶺拓降建城。
郭論功第一，遭衆讒斷木浮沈。
委溝壑，噫吁噉，教奇不獨李將軍。
株坐桐鄉三見春，桐鄉雖好大兒死。
風物滿眼唯悲辛，迺來又赴肥上辟。
碌、隨人亦何益。法網深懸無繼鱗，
斂翼飢禽憂彈射。意吁噉一寸丹心，
不堪折扁舟。却憶姑溪月，溪如凝水，
月如雪。天地清光迥交徹，釣絲千丈入琉璃。
六鼇一舉三山隨。人生快意莫如此，
晉未黃金多橫死。君不見日暮途

窮，逆行客一餉。榮華速誅殛，又不見都市。
朝衣就斂，人誰道忠言能殺身。休休、歸去來，
芝田石室雲長在。瑶草琪花春不回，收帆銀濤，
即平陸跨青牛，驅白鹿。莫向人間歧路行，
豈有悲歡與榮辱。休休、歸去來計已決，肯學腐儒。
空有言辜，負春鵲口流血。

東林行

龍蟠大地藏山腹，瑞氣蒙籠紫金屋。
香爐萬丈擎碧霄，二澗斜飛落寒玉。
晉朝遺事唐人辭，皺斲龜螭尚堪讀。
樓煩真人應夢來，夜奔丁、神代木。
安帝親留

步輦迎靈運開池素華馥會隨流轉不成塵燈熾明
明自相續遊人未達此理玄安得清涼滅貪欲我今
棄官脫塵網僧寶瞻依無不足跨黃牛騎白鹿時
自唱無生曲無生曲君試聽五音六律和不得為君
寫作東林行

圓通行簡慎禪師

廬山之西形勝聚無位真人依住地祇掣鑠金城
開石龍噴水銀潢注牽轡約勒萬馬回杉松自作千
兵護寶殿崢嶸跨碧霄圓容麗服微西顧江南妃子

親施田香飯供僧無億數法焰相傳十二人師泛鐵
船揚子渡揚子渡秋風高霹靂駕雪翻驚濤中有漁
家妙絕手一釣三山連六鼇縱時大地悉震恐收來
塵刹無纖毫當年曾許心莫逆今朝又作圓通客掛
冠已脫塵垢緣一心願住清涼國清涼之國誰能知
日長馬倦人多迷從來聞說曹溪路只今蹋斷廬山
西

韶石行

扁舟未下連虞灘韶石羅列誰雕刻化工有意露恠

變待彼虞舜來觀，翫泊舟登岸始遠。覽兩峰直裂，諸
峯噴青鸞，低徊欲下飲翠鳳。却舞搏脩翰，螭龍鑿雷
怒奮角，帝子出震初。我冠日光撲，散金蘂蓮花透。
徹琉璃盤行衣十里，仙霧濕暝色。一抹輕綃寒，我將
崖想韶樂北風，忽變陰漫。松搖長空吼，萬壑溪
走石脚涼。驚湍遺音自與天地響，聽不以耳精神完。
重瞳一去無復還，隨風波兮陟雲間。瀟湘洞庭亦何
有，竹上血淚千年斑。九成不作至道息，紛兮後世疇
能攀。登韶石兮情飄，而未盡飭彼柴車兮。且將造

乎蒼梧九疑之深山

武溪深呈廣帥蔣修撰

滔，武溪一何深源，不斷來從柳流到瀧頭。穀百
變誰將玉笛傳餘音，潺湲冷兮可以冰人心。胡為
其氣兮能毒淫，漢兵卷甲未得渡，飛鳶跼，墮且沉。
天子此水力可任，蠻血安足腥。吾鐔功名難成壯士
耻，馬革裹尸亦徒尔。伏波一去已千年，古像蕭蕭篔簹
竹裏風來尚作笛韻悲。宛轉悠揚逐舳尾，如今
天子治文明柔遠，懷來不用兵。武溪無淫亦無毒，清

與滄浪堪濯纓臨瀧更憶昌黎民始末緣何不相類
能言佛骨本無靈可惜咨嗟問瀧吏湘妃之碑尤近
恠頗學女巫專自媚固當褒馬卿黜韓補葺須令賢
者備元戎喜遇蓬瀛仙武溪探古傳新篇東君吁嘻
龍蜃走北斗挹酌河漢懸勸君莫倚隴笛之悲音些
勸君清歌兮援玉琴些琴聲為出堯舜心堯舜愛民
無遠迓君不見薰風兮來自南些

松門阻風望廬山有懷李白

北風阻船泊湖滯北望廬阜青無痕晴雲自舒仍自

卷白龍欲眠猶死轉秋空漠漠秋氣淺碧天蘸水如
刀剪篙師畏浪不敢行却憶李白騎長鯨倒回玉鞭
擊鯨尾錦袍濺雪洪濤裏電光溢目精神閑終日高
歌去復還飛流直下三千尺風吹銀漢落人間天送
醇醪傾北斗群仙吹簫龍鳳吼李白一飲還一醉
來豈知生死累倏然却返玉皇家不騎鯨魚駕鸞車
留連自摘蟠桃花嚼花吐津染朝霞不信如今三百
載頑鯨駭浪空相待

苦寒行二首

江南饒暖衣絺経今歲春寒人未識溪流水合地成析
一月三旬雪三赤去年大潦民無食子母生離室嘆
息只今道路多橫屍安忍催科更誅殛
下溪捕魚一丈冰上山採樵三赤尺雪人々飢餓衣裳
單骨肉相看眼流血乾坤失色雲未收鵬鶚無殺翅
將折官倉斗米餘百金願見春回二三月

武夷行寄劉侍郎

平生愛仙山最聞武夷好千峯巒岿月倒掛萬木陰
森春不老群仙浮舟出寥廓未濟明河半空泊世人

可見不可攀靜夜天風吹寶樂頃信仙家日月長塵
埃下土空茫々賢愚得失竟何益坐令綠髮摧秋霜
人間感悟有誰早丈人尋真歸故鄉故鄉宅在武夷
址山勢迴環碧城起仙碁一局一番春幾見桃花滿
流水他年功成趨帝闕醉喚常娥擁明月照開三十
六洞天玉樹瑤花恣攀折丈人之樂其無央我今欲
往親在堂側身南望未能到耿耿寸心思夢長

姑熟堂歌贈朱太守

姑熟太守真賢豪洗滌樊垢明官曹民閑吏諫郡無

事華堂新構臨江隼朱簷斜飛傍星漢碧瓦不動蟠
鯨鼈釀成玉液宴賓從手提大筆降風騷四時景物
換耳目萬古治亂評秋毫嗟予末坐重感激膏中茅
塞時耘藉山鷄卑栖竟何取豈合鸞鳳追翔紫萼
茸蕨味正美鮮鱖玉縷鳴霜刀為公一飲直醉倒坐
看萬室皆陶、誰云江南地偏小姑熟之堂天下少
丹湖千里浸城東蒲葦煙藏春渺、牛渚對峙凌歊
臺長江倒掛天門開風吹玉鳥億萬尺漢兵卷甲沙
場迴有時浪止皓月滿瑤宇宙無纖埃帆樯隱、

鳥飛沒漁歌細下天邊宋謝玄暉李太白一生好作
江南客至今遺恨人不知孤雲尚鎖青山宅請公瀝
酒一卮之聽我長吟壯靈魄人世百年能几何高會
難逢離別多一朝公去調鼎禹斯堂永作甘棠歌

宣詔廳歌贈朱太守

史君心畫天下無構廳宣詔西南隅曉光初散射簷
桷夜氣欲合吞江湖甍甍摩挲滑瑤玉重窓窈窕明
青朱胡生畫手出前輩素壁為寫巫山圖一條江練
澄碧落十二峯色我珊瑚玄猿老虎嘯鬚長松瘦

石寒扶疎中間皓鶴最恬漠九霄獨立形神孤君去
班春勸耕稼君歸命客同歡娛三冬垂簾醉春筮六
月靜坐臨冰壺巴成血色洒醉筆五字七字排璣珠
和風匝地怨氣滅險吏縮手窮氓蘇地隨人盛古今
好姑熟自此為名區君不見嘒王閣庾公樓樽罍千
載誇風流又不見宴寢一詩尚不滅至今人道韋蘇
州噫吁噫四座勿歌聽我歌宣詔之名君謂何守臣
不墜帝王澤六合長靜無干戈

濟源草堂歌贈傅欽之學士

秀氣鴻濛濟州曲十畝清池萬竿竹：裏脩椽架草
堂不羨長安買華屋春生廣野碧玉柔月擁翠嵐銀
粉撲低飛白鷺棟晴沙聞曉黃鸝轉喬木明、長劔
倚太行耕、愁煙蔽盤谷重崗漸遠勢愈高雲開青
出分秋毫龍蛇鱗甲雪霜洗壯士四傾空提刀陰晴
萬變恣吟寫三疊琴聲猿夜啼君不見古來功名輸
隱叟種桃採芝皆皓首不將機械攬靈源能使形骸
頤長久明公何年歸草堂扁舟我即浮滄浪江魚有
味四時美一蓑醉卧蘆花傍男兒彼此送終畢自筭

此身無得失江東片月過河陽為照兩處無何鄉

寄題蘄州涵輝閣呈太守章子平集賢

讀君涵輝記恍若登蓬萊天垂星斗數尋近地卷雲
山千里來冰壺倒景露華洗玉竇溶雪蟾光頽塵寰
何處路歧絕三十六洞森然開武夷真孫佩符印選
勝得此將金壘文章欲會造化手藩屏暫屈巖廊材
謝公寄意東山妓嚴生把釣桐廬臺功名談笑出千
古長與叅華青崔嵬其餘數何足數百年易得成
寒灰為君高吟豈知倦十分美酒誰相陪我欲乘風

一飛徃病翅零落秋霜摧涵輝閣寧久遊重瞳法堯
垂冕旒側聞下詔十六相真孫第一還瀛洲

宣州雙溪閣夜宴呈太守余光祿

陵陽三峯壓千里百尺危樓勢相倚海波不動蛟龍
盤壘玉無塵雪霜洗溪光冷浥山光潤地接金陵古
名郡青猿嘯斷四五穀白鳥歸飛兩三陣四時之景
皆可觀六月來遊膚髮寒有時下瞰北山雨只道林
林銀竹竿賢哉光祿余太守昨引佳賓列樽酒朝飲
三百林暮吟三百首不為陰慘嚴刑誅長吐陽春活

殘朽御史曾書治績碑州人盡祝靈椿壽沉々羅幕
更漏稀燈如撒星公醉歸絲篁煎引後鼓鞀珠履交
錯行遲々丈夫得意不為樂借問百年能幾時

寄題洪州潘延之家居清逸樓

南昌城中潘令宅清逸樓高二千赤斜飛四角河漢
躔密排萬瓦鴛鴦碧樓中至樂無人知掃盡寰區利
名迹霜華吹月鴈橫空湖水浸天秋一色榜鼓斷漁
歌起西山却在蘆花裏行客紛紛々嗟白頭纓塵不解
滄浪洗愛君年少先拂衣古人歸去無今時上有明

明垂衣之堯舜下有錯落戴主之咎夔涅中不用一
簫取繚繞驛道通捷為更看牧馬天山草澡心雪耻
幽燕兒朝廷大業昔未有志士獨往吾何譏陶彭澤
阮步兵回首晉道方飄零絲桐欲彈悲思盈豈知潘
令逢昇平倚欄一醉絃索鳴紅綃燃蜜爍華星玉人
舞徹東方明

寄題德興余氏聚遠亭

暗空風卷浮雲落萬里秋毫瑩寥廓姒娥泛月中夜
來撲々山川銀粉薄天垂斗柄掛簾鈎地接明河浸

欄角誰傾世界入冰壺。恍似仙春迷海嶽。嗟予南望
未能往。小宰塵勞真黷。感君寄我群公篇。覽記方
驚子先作詞源。奔激吼波濤。筆畫縱橫挫牙。槩構名
措意。豈徒然景物化為仁智學。丈人教子悖義。方宴
息時來命樽酌。何當勇起擘扁舟。夢寐思陪衆賓樂。

留題潛山山谷寺

山如連環不可解。玉溜穿崖鯨尾擺。中天化出清涼
宮。汗漫瑤瑤翠光灑。回頭無路通人間。毛髮森々神
魄駭。長碑突兀壓巨螯。字刻雄文入模楷。乃知梁僧

擘刀尺來此。幽棲聊脫縱地祇。掣鑠巖戶開。縱有堆
金豈能買。聚祖傳衣當第三。至今異骨藏斯巖。我朝
重賜七寶塔。舍利感應符至誠。誰曾磨崖記名姓。習
之健筆深鏤鏤。盤龍斂鱗想風聚雲霧。恹淡遮松杉
至今寶不獨世所惜。定有山鬼長扃監。願借雷公霹
靂斧。堅珉所斷載以函。高僧邀我恐忘。忘虎豹堪驚
日。將晚歸來拂榻坐。虛堂軟煮黃菁。荐香飯千年遺
迹。安足誇幻妄。非真生有涯。奈何吾勢未能已。夢想
長在金僊家。

留題九江劉秀才西亭

西臨大江南
廬阜北見四祖

南出九江城西下五老崗
倏然一徑二三里流水散
漫桃花香桃花迴環蔽深屋
犬吠遊人扣竹青衣
借問來何為正是劉郎春酒熟
劉郎不厭客撫掌邀
我曹西亭有榻醉可卧下臨大江萬頃之洪濤長帆
出沒送孤鳥月飛不過哀猿啼更愛雙劍峯正落南
窓外天公好仁不用武太古光鋌未磨淬誰懷邪佞
心見之膽應碎淮山在天未寒青亦相對微風時一
來松栢搖蒼珮頃刻神官驅黑龍涵、興雲變明晦

地勢雖高直可驚酒行且止高休嘷劉郎頷我笑為
言向苦悲陰晴非汝職不醉將疇歸、來乎頻相過
西亭把酒共君歌

留題西林寺攬秀亭

李公擇學士命名云李白有九江秀
色可攬結吾將此地巢雲松之句

行瞻香爐峯未出二林口一區廣地如席平誰作新
亭名攬秀、色可攬結正對香爐峯李白愛之不忍
去便欲此巢雲松寂寥往事三百載澗泉谷草依
舊揚清風泉可掬草可擷清風洒面如冰雪閑手携
手四五人倒盡金壺頰不熟寸心何獨忘寵榮形骸

遺盡神超越寄語世上士勸君早歸來霹靂轟車膽
欲落忠憤雖死何為哉此時竟不悞此心徒自知嵐
光向晚紫翠滴杜鵑更在深林啼試拂橫琴奏流水
指下忽作商榘悲々來乎可奈何推琴罷酒為君歌

青山集卷一

青山集目錄

卷二

鄭州太守王龍圖贊之出家妓彈琵琶即席
有贈

瑞昌雙溪堂夜飲呈吳令子正

寄吳著作

將至江夏先寄太守李學士公擇

蔣公檜呈淮南運使金部頴叔此檜希魯侍

郎漕淮日手植

蜀道篇送別府尹吳龍圖仲庶

錢塘行送別簽判李太博猷甫

天台行送施山人
蹇諫行送裴山人

道林寺送別崔提刑

遊石盆寺呈蔣殿院兼簡余光祿

凌敲臺呈同遊李察推公擇

凌敲臺呈同遊張兵部朱太守

遊道林寺呈運判蔡中允昆仲如晦用杜甫

元韻

舒州使宅天柱閣呈朱光祿
中秋登白紵山呈同遊蘇寺丞
登王知白秀才跋賢亭呈同遊余萬二君
德化默亭觀雪呈鄭令

采石亭觀浪
祀南嶽喜雨呈李倅

寄題鄂州李屯田家園仁安亭

金陵賞心亭
鐘山寶公塔

徐州黃樓歌寄蘇子瞻

留題呂學士無為軍謫居廊軒

漳南王園樂全亭席上呈同遊諸君坐客劉
公曰有水一池有竹千竿可以賦詩浪士
勇起索筆即其言綴成長調文不加點

題畢文簡公撰李太白碑陰

寄題湖州東林沈氏東老庵

舟經池州先寄夏寺丞公酉

留題方伋秀才壽樂亭

青山集卷二

長句古詩三十首

當塗郭祥正字功父

鄭州太守王龍圖贊之
出家妓彈琵琶即席
有贈

偶騎匹馬遊仙闕
瑤池夜宴歡未闌
邀予未坐聞清
彈琵琶十槽
教正繁初疑
飢鸞啄玉應
天響忽似霹
靂數教春氣
還曲遍將終
檀板急舞袖
裂霞隨拍入
踏碎瓊筵鸞
步嬌汗透香
綃露桃濕解
條罷舞整花

鈿瓦轉仙容，鴈行立主人。使令持酒卮，香隨羅襪成。
塵飛銅龍無殺夜，無極煌煌。燭焰回朝暉，桃源花落
長溪淨。人看秦衣樽俎，豈如此會絕風流。主人慙
懃賓客，敬我作短歌，公聽取。人世百年能幾許，樂極
哀來古所悲。不如立功當此時。

瑞昌雙溪堂夜飲呈吳令子正

星斗闌干月未吐，但愛溪聲似山雨。青燈照室並銀
花，白酒傾來不知數。子善評文我不如，我亦談詩子
深許。酒酣索我須論兵，拔劍畫地軍陣成。十萬狂胡

指掌取，五方應敵旋風生。文武道判惜已久，聖賢相
遇猶難弄。相如謾作長門賦，屈原虛著離騷經。不知
於世竟何補，可憐博得千年名。韓信收身苦不早，功
成伏劍真草草。始終最愛嚴子陵，坐視乾坤任傾倒。
咄嗟語險氣已傷，况復賦詩鼓調長。卷紙連書不磨
琢，子鋒大峻非我當。撥置萬慮付江海，收拾寸心歸
老莊。天地得一馬，喻馬請思前事皆佯狂。

寄吳著作

憶與君別時，君行朝北極。潯陽江頭車馬光，意氣翩

翩動秋色君還舊廬能寄書謂我楚辭傳上都是時
盜賊正紛擾日夜奔走承使符謝君後時聞已惡邊各切
交深豈必書問數誠明相照期無窮但惜遠別臨春
風春風來已老落盡桃花紅有時孤坐碧山裏彈指
倏忽成衰翁文章不直一杯酒功名付與千年松何
時逢君談豁我此愁恨攀雲不見麒麟蹤趨泥自笑
駕駘鈍兒女安否今何如親雖未成交莫踈願君富
貴情不改敢將瓦礫贈明珠

將至江夏先寄太守李學士公擇

二月發姑熟三月到潯陽間君解纜纒五日驥尾難
追空斷腸十年前作潯陽吏老狡相逢猶引避中丞
孤憤已沉泉時事愈新誰敢議欲吐哀音寫心曲濛
潯江殼搖地軸橫琴靜夜按金徽泛到商絃斷還續
憂能損氣酒忘憂移船漸近黃鶴樓二前芳草漬烟
碧君今賢過竒章侯試詢樂部誰工笛曹王舊曲何
人識水中龍應雲不飛月華正在江心白滿傾綠酒
濃如油為君吞却鸚鵡洲開帆快意出天外可惜礙

斷長江流

予嘗尉潯陽日事
放中丞呂獻可

蔣公檜呈淮南運使金部穎叔此檜希魯侍
節漕淮日手植

淮南庭中有蒼檜仰視團團翠為蓋直幹每容鸞鳳
棲盤根深壓鯨鰲背北風夜作兵陣殺恐即蛟龍斬
天外呼童出屋為我窺摩颯清陰月光碎問誰植之
前蔣公得地倏經三十載不同種杏上青天正似耳
棠有遺愛使華今復見公孫太平事業鍾一門祖朝
冠蓋漸塵土却嗟此檜春長存孤高豈忘栽培力秀
發兼承造化恩已看枝葉飽霜露終作棟柱扶乾坤

新詩編聯盡珠玉光大先烈聽荒墳更憶丹青妙盡
手進入明堂逢至尊

蜀道篇送別府尹吳龍圖仲庶

長吟李白蜀道難蜀道之難於上青天長蛇并猛
虎殺人吮血毒氣何腥膻錦城雖樂不可到側身西
望泣涕空漣漣其辭辛酸語勢險有如曲折頓挫萬
夫之洪泉世人不識寶玉璞每欲酬價齊刀鉞求之
往古疑未有惜哉不經孔子之手加錐鏤公今易節
帥蜀國為公重吟蜀道篇旌旗翻空度劔閣甲花照

雪叅林顛雲龜連椎谷殺碎畫角慢引斜陽懸竹馬
爭迎舊令尹指公長髯皓素非往年蜀道何坦然和
氣拂、回星彊長蛇深潛猛虎伏但愛雄飛呼雌響
亮調朱絃時乎樂哉公之往也九重深拱堯舜聖廟
堂論道丘軻一作孔孟賢撫綏斯民賴良守平：政化公能
宣東兵興學有源本何必早夜開華筵嘗聞家：責
釵釧只待看舞青春前此風不草久愈薄稔歲往：
成凶年噫吁嘻今我無匹馬安得從公遊盡書政績
未中州獻之明堂付太史陛下請損西顧憂

錢塘行送別簽判李太博獻甫

東南會府唯錢塘高門雙開南斗傍門前碧瓦十萬
戶晚色滿城煙雨香聖祖神宗造區宇應命最先吳
越王不經兵火二百載地饒沃衍民康強蓮花紅白
西湖芳南山翠影臨滄浪瓊樓寶塔照日月塵埃不
到炎天涼畫船羅幕盡高卷白玉美人遊冶郎年：
中秋海潮過萬頃銀山向前墮少年輕命爭弄潮手
掣紅旗逆潮簸聞君此行承辟書伯樂能求汗血駒
四時風物同吟嘯十郡兵民歸卷舒公閑畜德聊自

養承平功業遂吾儒况君登朝未四十慎勿出處窮
歡娛慎勿出處窮歡娛臨淵履冰佩瓊琚

天台行送施山人

平生樂山水聽客談天台盤石摩挲浸海月瀑布滌
射煙霞開山骨噴作千巖雨潭底晝夜轟風雷諸峯
攢叢護寶刹地與世隔無纖埃仙葩靈鳥四時有石
缸玉洞清風來施夫子欲長往高謝功名脫塵網况
有西來老佛師了悟無生任消長若許陶潛載酒過
便駕蒼虬逐真賞

蹉躑行送裴山人

蹉躑蹉躑裴山人破帽麻衫被埃塵忽來訪我環峯
市醉倒不顧傍人嗔壯士不得志汙泥困脩鱗誰傾
滄海救枯澤矯首奮鬣乘風雲回頭問鷺雀爾輩胡
為群巢寄栢梁一朝火狐栖風雨更誰憐蹉躑蹉躑
裴山人行路無窮鼻酸辛元通獻甫儻不過况有特
達朱純臣蹉躑勿蹉躑豈有壯士長遭迤

道林寺送別崔提刑

用沈傳師酬唐
侍御姬員外韻

湘江傾瀉明河源湘山來落如駿奔尋幽乘興莫辭

遠白雲中有黃金園佛師無心法愈密徒衆先後陳
卑尊甘泉噴洒仙籟爽此身已覺超龕樊高堂却見
山外水古鑑磨開蒼蘚昏長城深鑿萬家富老木自
作千營屯西洲半沒鯨鼓鬣凌崖斗起天為門滄溟
不識幾番變石泐猶有濤涼痕茯苓愈大愈堪食深
鋤但惜傷松根登高覽物亦徒尔秋色况是當離樽
崔侯才思銳無敵蒼鷹得免霜翎翻嗟余染翰愧復
正累句何足光行軒故人柄政坐東府請君獻策安
黎元

遊石盆寺呈將殿院兼簡余光祿

石盆古寺蒼崖顛斷碑敝剝無人傳其文僅識隱巖
字御史飽學能推研乃是鄭董之別号洛師易節來
刺宣風流直欲繼謝守行春車馬時聯翩紅粉行
抗音杏花笑旌旛燦々唯霓懸松聲颼々雜簫鼓薜圍
繚繞疑檀煙下知身世有軒冕且將樽酒投林泉暫
時樂事亦難遇高又大字精磨鏤可嗟榛棘一藏晦
清風零落三百年泊逢佳士始珎當洗滌塵垢邀神
仙坐思往迹若夢寐明河千丈傾辭源啼鳥至今不

避客上下啾聒兩耳邊山僧構亭又高絕群峯葉
如青蓮崔嵬寶塔掛落日沅陽冰壺撐釣船余公胡
為未嘗到美景若此寧弃捐請携吟筆窺造物更向
雲中調管絃

凌敲臺呈同遊李察推公擇

瞻月欲盡春風來壯士尋春上高臺金烏慢飛光徘徊
照散冰霜天地開梅花披香柳煙裊狂殺錢塘蘇
小玉簫金笛鳴高樓悵望傳書落青鳥吾曹強飲
三百杯老去功名安在哉欲駕飛魚入東海王母為

我傾金壘蓮華變碧蟠桃熟仙家四時應不速醉來
拍手乘紫煙遊遍洞天三十六高歌杳渺春風裏我
懷清徹西江水齋儒往々吟吾狂猶幸揚雄作知己
晚君身上蜀錦袍解我腰下并州刀更沽美酒共君
飲不負今朝春思豪

凌敲臺呈同遊張女部朱太守

江東使者武陵仙姑熟太守南都賢同時文采耀場
屋今日寵榮分使權歲豐民樂官吏肅登高望遠開
華筵凌敲古臺壓城北天門牛渚遙相連六朝盛事

竟何在白雲芳草空綿聯黃鳥聲酸落花雨青蒲風
送西江舩鳥鼓繚亂帆影沒勸君莫負杯中物百歲
榮華如轉輪一半光陰已倉卒寧須雜絃管不必繁
綺羅紫萸黃豉肥鱸膾更聽江南賤士歌堯崩舜立
天下治廟室靈芝最為瑞品穴自此無遺民請把長
戈鑄農器功名來時如等閒四皓去矣誰復還一朝
攘臂揖太子社稷不動安如山可笑屈夫子憔悴長
江濱欲將獨醒換衆醉竟葬江魚愁殺人古來得失
既如此今朝幸會青雲士功成早晚歸桃源回首塵

寰脫雙屐

遊道林寺呈運判蔡中允昆仲如晦用杜甫

元韻

長沙城西湘水隅道林古寺松門紆嘗聞秀絕超五
嶽果見氣象吞重湖殿前銜花走白鹿殿裏沉烟焚
玉爐何人塑出慈氏衆冠纓動活搖明珠高僧處
有遺迹盤石坐禪龍虎俱唐人妙筆數歐沈至今板
上樓群鳥五言七字又奇絕此寺此堂天下無不緣
薄官豈能賞勇往兼有兒孫扶賈生前席竟憂死屈

原懷沙終自誅投身及早卜幽隱淡泊久乃勝甘腴
雲生岳嶠月晦影雨過橘洲猿夜呼細吟靜境足自
遠忠憤未合思捐軀超立飽讀長者論養真默合煙
蘿圖千篇愧比老杜老一節願隨孤竹孤况陪使者
共遊覽二謝弟鼻真反于不知昔日楊常侍何似今
朝蔡大夫

舒州使宅天柱閣呈朱光祿

群山奔來一奔起千丈芙蓉碧霄倚嫦娥却月愁推
輪王母呼烟結繒綺分明有路金闕通翠滑無塵玉

壺洗老松自作孤鳳吟駭浪時翻三井水峨嵋絕巔
安足論力不擎天亦徒尔懊惱茂陵客白日求攀天
遺壇猶在半蕪沒隱約龍馭回瑤鞭直至唐家六皇
帝夢感異境開重立真符預告後五百佐佑寶歷推
鴻延城頭建閣舊丞相牕戶再新光祿賢手携大筆
恣吟覽老句氣焰摩星躔當時數赴范公辟秀骨照
坐誰差肩功名自許出絕域歲月漫往脩途遭丈夫
有命豈嗟感投老得地多雲泉霜柑正熟蠓蠹美白
蟻旋漉浮金船伊予困躓坐小邑悵望珠履叅華筵

祝公自此早歸隱幅中藜杖詩中仙

中秋登白紵山呈同遊蘇寺丞

平湖萬頃浮青玉常娥更攬寒光浴天高星稀魚鴈
沉風靜雲消絲管逐試聽郭子今宵歌對月不飲柰
愁何上盡高山萬丈之絕頂側身可以攀明河明河
洗君耳明月照君面暫來空洞無物逍遙鄉安用殺
名誇海縣前年泛軍梅山下林黑只憂偏弩射去歲
點夫大河北黃土吹衣無晝夜勞功業安在哉出
林之水風先推有言不得見天子卷舌却出金門來

流光差池髮垂星雪幸對高才值佳節更在相公遊
處遊白紵悲歌再清越登高何必須重九零落黃花
汙濃酒豈如桂子散秋香未露金人舉纖手舉纖手
欲未休月輪忽轉西山頭明年此會定南北沉思使
我增離憂荆榛滿眼世路惡恩忘水覆終難收田文
昔日三千客去住如今均一丘噫吁嚱達亦不足恃
窮亦不足羞但願明月照我酒古來秉燭供遨遊因
誰為謝北海若醕酎不辨馬與牛

登王知白秀才致賢亭呈同遊余萬二君

鑿山構亭隣北郊志慕賢哲忘喧呶豁然千里開林
梢地勢不得藏嵌坳三峯重樓排卦爻二溪卷浪飛
怒蛟漁翁捕魚船尾敲稚子鉤搏爭勝拋小塘圓沙
來鴈鷓茂橘間錯黃金包主人情深漆與膠美酒旋
漉羅珍肴亦有麟脯膾海鮫痒背只欠麻姑抓浮生
胡為長擊斃不蹈聖域徒詭竊甘祿食憂謗嘲有
若夜鼠防飢猫羨君脫屣心無殺笑傲自足追由巢
猛飲未徹鷄鳴嘒新詩下筆論卷抄余君酒量辭斗
甯醉帽墮地垂髮鬢萬子能禪誇悟范我獨愛酒流

涎交同趨至樂情何聲

德化默亭觀雪呈鄭令

霜風結海天雲冰夜寒斷盡朱絲繩曉來何處有猛
雪鄭令新亭最高絕倒披貂鼠一登臨飛鳥不飛早
光滅時吟杜甫苦寒詩白鵲翅垂眼流血崑崙閼折
非吾憂但願春泥補地裂西南香鑪萬尋玉遠思飄
然看不足欲騎鸞鶴飛其顛身雖未往神明肅又疑
夢向瑤池過玉母樓殿高差我粉圖屏風畫未竟隱
隱朽筆方森羅天工好奇人莫識縱心杜觀聊唧唧

酒瓶倒漉萬籟沉
客子狂歌主人默
胡為乎名斯亭
主人意深窺杳冥
不為四時役
不擇萬象嘉
與時窮通自消息
見我狂歌應笑耶

采石亭觀浪

洞庭秋高北風起
怒浪排空日光昧
坐見雪山飛從物
外來地軸天闔恐
將圯移沙裂石失
浦溆群龍呀牙鯨
掉尾舟人但如鶴
鳴咫尺存亡隔千
里嗟哉至柔物瀕
洞安可當大禹沒
已久巨浸誰為防
須臾風收浪亦靜
常娥洗月添寒光
湘妃妙曲鼓未徹
汨

羅之魄雲徜徉而
今君臣正相樂法
獎一、新更張監
司精明郡縣肅固
無忠憤惟循良洞
庭怪變自出沒
迴首天邊歸鴈行

祀南嶽喜雨呈李倅元古

六月赤日方炎、雲不行
天龍遁潛陰陽失職
帝怒赫地下萬物遭
炮燭農夫爭陂數闌
死驅沙擲土唯飛
廉湖南本錢二十有
四萬歲望何以安
黎黔府官惶、使臺
恐祀壇禱嶽惟精
嚴君馳副車職其事
秘文在板香盈匱
鐸刀割牲荐肴酒
夜半奠玉抽靈籤

星河收光倏陰晦雷聲駭來山南協韻斯須密點欲

裂瓦燭光出屋排龍髯謂屋也能絕哀啼晚色淡碧澗

久涸銀濤添田水足稻秀枝早暎一洗涼颼兼芬

馨羅列報神貺文實之論前賢僉興雲作雨乃誰柄

坐視焦灼慳濡霑待茲誠禱始感發威福自任寧無

嫌至理從來莫能詰異景聊足開各瞻孤峯翠滑屏

露角溢溜飛洒瓊為簾煙藏拱木半吞吐湘水倒影

分毫纖廟門欲出尚回首止似老筆圖霜綠高吟成

章又奇絕睥睨韓杜君何謙嗟余適為簿書縛不尔

漫往精神飲蚊蠅休飛夏將盡清露收拾堆圓蟾何

當結執更一往歷覽舜迹窮高尖群仙維有路歧遠

志士豈無巖谷淹况奇拔俊召和氣一國遂除災肯

占暫時響應未足數此語非是君仍較

寄題鄂州李屯田家園仁安亭

頭陀樓閣坐青煙畫屏正落南簷前主人隱几寫風

物幅巾瑩爽南昌仙翁讀書五千卷道與世背多

聲遠安之不擾靜以養逸我壽老全于天簾櫳疎

日光透欄檻寂花陰圓黃鸝弄巧子趁母白酒釀

熟金為船淵明醉矣客可去細藤織榻閑歌眠君不
見黃鶴樓鸚鵡洲碧雲欲合天自晚芳草無情春亦
愁襦衡白骨瘞何處曹王舊曲無人收沉吟往事變
華髮不飲何以銷吾憂銷憂乎君且飲醉來天地真
衾枕

金陵賞心亭

夾淮青城幾百尺城上高亭望無極南還北去千萬
艘人生何苦戀驚濤百年易得變塵土後世視今
視古此間風月最為多莫辭把酒呈高歌前朝宮苑

荒煙在樂極悲來亦奈何

鐘山寶公塔

盤、鐘山古城北夾道青松兩行直浮屠突兀倚雲
烟繪事猶存舊刀尺刀裁尺量不可過浮生不悟欲
如何凭欄直下眎千里多少丘墟藏綺羅

徐州黃樓歌寄蘇子瞻

君不見彭門之黃樓、角突兀凌山丘雲生霧暗失
柱礎日升月落當簾鉤黃河西來駭奔流頃刻十丈
平城頭渾濤春撞怒鯨躍危堞僅若盃盃浮斯民囂

翫坐恐化魚鼈刺史當分天子憂植材築土夜連晝
神物借力非人謀河還故道萬家喜匪公何以全吾
州公來相基疊巨石屋成因以黃名樓黃樓不獨排
河流壯觀彈壓東諸侯重簷斜飛掣驚電密瓦瑩靜
蟠蒼虬乘閑往宴賓客酒酣詩興橫霜秋沈思漢
唐跡陳迹迹節怙險終何求誰令領血濺玷斧千載
付與山河愁聖祖神宗仗仁義中原一洗兵甲休
朝廷尊崇郡縣肅彭門子弟長歡遊隨五馬長歡遊
但看紅袖舞華筵不願黃河到樓下

留題呂學士無為軍謫居廊軒

城頭高軒眺千里數里蒼山兼寒水帆開半落有無
間鳥飛不斷丹青裏北斗疎河漢曉蓬萊一登天
下小心隨境化形亦忘誰道霜翎老華表曹公窺吳
教水戰虎貌躡踏鯨鼉轉野父相傳此渡頭魚網時
時得遺箭當場英氣安在哉千年絕景藏蒿萊地祇
監護待賢者欄干倚遍傾金罍目送白雲望堯闕忠
功孝名堅一節明時不作離騷經玉上青蠅解磨滅
升沉偶然安足嗟與君高詠思無邪數聲長笛奏何

處微風吹落天之涯天涯桂樹清輝發萬頃波瀾凍
冰雪若承紫詔返瀛洲此地曾忘遷謫憂

漳南王園樂全亭席上呈同遊諸君生客劉

公曰有水一池有竹千竿可以賦詩浪士
勇起索筆即其言綴成長調文不加點

樂全有水一池有竹千竿池通兩潮信竹密四時寒
引子黃鸝弄語探魚碧鳥忘還漫有佳賓命酌水晶
交錯觥船空中聞玉簫玉母想乘鸞問君不醉當何
這百歲憂愁今夕歡常娥癡妬埋冰盤絳龍蠟淚傾

不乾孰知大海騰波濶自有人世藏仙源劉公八十
精神全留子造古風義全蔡阮名家文學全王氏世
鑿陰陽全兀浪士天機全樂全乎且飲酒獨醒懷
沙亦何有

題畢文簡公撰李太白碑陰

清風無根長不死太白高名亦如此何人謂是王佐
才文簡雄詞瀉秋水賢孫出守鏤長碑成字生
光輝寵胡妃子已萌亂翩然鳳鳥來非時出林秀水
衆欲殺納官贖命何其危畫舫載酒酌明月不著漁

蓑披錦衣醉眠天地即衾枕至今荒塚人疑之丈夫
闔棺事未定後三百歲方逢知：太白文簡公不誇
能詩與飲酒惜其浩氣突兀藏心骨青山老碧洗秋
色姑溪濯綠涵春容太白不見碑可見螭盤龜載傳
無窮

寄題湖州東林沈氏東老庵

東林沈郎真隱居山環水遶開方壺何年濯足脫塵
網坐卧七言哦藥珠有時隱几佚吾老萬事不到靈
臺虛甕間綠螳春欵活仙翁夜降青雲車自稱山人

號回客為君猛飲留斯須蚊蠅驅盡燭還滅清風掃
地銀蟾鋪梨花蕉葉鐘與鳴倒卷錦浪吞鯨魚雙瞳
湛、翦秋碧三山不動喬松孤欵然踊起拂素壁筆
灑二韵鏗瓊琚西隣已富憂不足東老雖貧樂有餘
白酒釀來緣好客黃金散盡為收書甕乾吟罷尚携
手寥々天籟鳴笙竽渡橋搵袂忽無迹東方漸白飛
群鳥世人尋仙不可得仙人寓世情何如桃源歸路
杳難問落花流水空踟躕後來福禍固已驗死生往
復猶坦途園庵不壞子傳業玉琴遺韻寒泉俱以回

易呂未可必回生回生是亦劉方徒

舟經池州先寄夏寺丞公酉

去年收帆貴池口聞君高歌撞玉斗今朝至自大湖
南五溪新事為君談一年往返七千里鄉國生還真
可喜君家白醪應已熟正好齊山泛黃菊

留題方伋秀才壽樂亭

君家有亭何壯哉參差碧瓦飛央排重窓靜深門不
闌地布瑩麗光如揩班、簾竹輕風從日影射午疑
瓊階疊山墮勢危相挨木人圍棊或負柴虎卧洞壑

猿攀崖好鳥上下鳴聲啾真假造物微毫差玉葩照
水絕纖埃絲篁調音衆伎俳水沉焚煙凝晝靈夜晦
爛蠟非燃薰唱酬交錯并詆諧逢、曉鼓傳官街兩
入場屋隨計偕未得藍綬持簡槐吾寧汲、同井蛙
棄去不顧如弊鞋沉潛自遠江與淮滔、動靜終無
涯圓天方地安形骸雖然此樂非吾懷嚴慈髮髮霜
華皆嗟今仕祿猶暎華行聞投印來歸來亭上致宴
羅吳娃吳娃醉唱敲玉釵綠衣自舞心寧悒心寧悒
奉親酒壽樂之榮世希有

青山集卷二

青山集目錄

卷三

寄獻荊州鄭紫微毅夫

姑熟乘月泛漁艇至東城訪耿天鵬

西山謠寄潘延之先生

上趙司諫

贈張御史

贈提宮諫議沈公

贈孫郎中

贈張叅軍

贈彭明微判官

贈陳懶散

贈舒州李居士

謝杜倅職方兼簡湯史君

謝劉察推

謝東城練尉

謝淮西吳提舉

仲春櫻桃下同許損之小飲因以贈之

再遊花山

酬蔡尉秘校

酬李從道太博

公擇鄂守學士三堂請雨

酬魏炎秀才

和懶散贈胡公

月下獨酌二首

魏武廟

向舜畢秘校席上贈黃州法曹杜孟堅即君

懿職方之孫也

懷青山草堂

憶五松山

清明望藏雲山懷舊遊

洛中王秀才談劉伯壽動靜慕其瀟灑作詩

識之

道遥亭歌一首贈太守王君章

投獻省主李奉世密學

俞俞堂寄鄂州李裕老

青山集卷三

當塗郭祥正字功父

長句古詩三十三首

寄獻荊州鄭紫微毅夫

李白不愛萬戶侯但願一識韓荊州荊州太守古來
好至今文采傳風流鄭公辭賦天下絕殿前落筆鏗
琳瓊相如嚴謹返枯澁宋玉爛熳隣倡優卓然風格
出天造冰盤洗露銀蟾秋麻衣脫去未十載寶犀飾
帶魚懸鈎道行言聽遇明主皂蓋朱轡寧久留渚宮

風物最蕭洒酒蒲金疊誰獻酬公嘗愛我似李白恨
不即往從公遊醉看舞袖卷明月夜聽長笛臨高樓
詞源感激馮江海筆陣頓挫排戈矛駕駘蹇蹶固已
困勉之尚欲追驂騑一朝公歸坐廊廟致君事業如
伊周門闈從衛愈嚴密是時頗見應無由行當投印
佩長劍旁魂已附西江舟

姑熟乘月泛漁艇至東城訪耿天隲

姑熟壘東城長江八十里思君半夜泛漁舟明月隨
人渡寒水江南美酒君家無携來相就傾一壺澄江

如冰月如玉拂、清風生碧蘆功名無成安足嗟但
令方寸無疵瑕煉丹辟穀亦瑣、萬物何處非生涯
君不見鴻溝欲將天下裂失道陰陵遽身滅玉帳周
遭皆楚歌金甲續紛摧漢鉞重瞳却傳繪塑手瓦鼓
巫歌薦神酒廟前老木藏訓狐豪氣英風亦何有沉
吟往事君勿悲我曹幸遇堯舜時田中穀稔牛羊肥
高會難逢易別離今宵不醉欲安之

西山謠寄潘延之先生

男兒無成羈薄祿日月相推猶轉轂誰向生前悟此

生西山。人掛冠。速買田築室。臨西山時來石上橫。
琴彈千古萬古。治亂事一曲兩曲。頓挫松風寒。門前
禾熟醞美酒。故人車馬留盤桓。榮亦不足貴。辱亦不
我干。但願青山綠水。兩不變。醉醒自得窮。觀玩名落
人間。非所欲。閉門且喜辭憂患。君不見李太白。朝為
酒家仙。暮作金鑿客。醉裏題詩宮妾扶。自謂遇君今
古無。一朝詔言入君耳。夜郎遠謫吟魂孤。到死空言
竟何補。何如道行及妻子。西山人孰可比。晴空矯
孤雲。飛欲往。扳援無路歧。

上趙司諫

彈劍思經綸。悲歌負陽春。逢時不自結。明主空文亦。
是尋常人。君不見太公辭渭水。謝安起東山。日月再
開天地正。龍虎感會風雲開。又不見屈原澤畔吟。離
騷漁翁大。笑弗舖糟可行。則行止則止。胡為憔悴言
空勞。夫君之名振朝野。道行諫聽逢時者。南州豈足
舒君才。天門夜詔星車迴。紫皇之真人。造化無嫌猜。
往將和氣輔舒慘。不令地下萬物同寒灰。功成收身
彩雲裏。坐酌千觴浮玉蘂。麻姑王母相經過。醉來共

泛瑤池水樂亦不可盡名公不可窮願學李賀逢韓
公他日不羞蛇作龍

贈張御史公遺

我愛張御史酒船打拍浮 欲邀天下賢盡向酒中
愚世人雖飲酒只知酒味不知酒意胡為乎又聞夜
歸東海頭撫掌喚月當金壺酒更蝦蟇蝕月黑公起
磨刀代天誅蝦蟇吐月入地走玉兔還家桂樹不枯
公方醉卧常娥驚呼且語東方蒼青龍遲遲推出赫
日車自然月光不減公飲不徹是時應笑高陽徒

贈提宮諫議沈公立之

神仙之府名雞籠千尋翠玉擎寒空秀色凌風入城
郭半銜曉日金濛：賢材間出萬人傑行脫麻衣趨
紫闕三朝出入持使權凜：殺名洒水雲往年作鎮
來金陵天子臨軒宣老成問公書盡幾萬卷品秩入
奏編瑤瓊延閣往：未嘗有詔札獎典光華生僉言
公歸坐廊廟易節暫刺玄暉城懇請仙宮遽知止車
蓋翩：還故里粉娥執樂四時春窈窕芙蓉新出水
嘈：絃管鸞鳳鳴玉卮獻酒公解醒人生快意似公

少家園乃是真蓬瀛
數峯飛來雲霧濕
琪樹玲瓏曉寒入
綠池水照百花明
芳亭小榭佳賓集
有時自賦歸來篇
幅中藜杖詩中仙
秦晉諸子曰避世
種柳栽桃安足憐
願我登門二十載
貴勢能忘竟相待
教竒自笑無所成
亦欲浮舟往滄海
滄海雲濤人不爭
忘機可以超神凝
比公進退殊未足
若問逍遙無鷓鴣

贈孫郎中景脩

江湖夜漲北風惡
雙榜喜逢溪岸泊
桂陽史君賢故人
借問慙慙吏來數
浮橋傾危暗難渡
靜枕不眠聽

曉角平明自笑僕
乘無破帽赤髯行
蹉跎袖持漫刺前
起居屢嘆窮愁手
頻握嬰兒連死瘦
妻卧病骨尚遭詠
喙壯志消盡同寒
灰生事無涯委藜
藿男兒有命何足
論斗酒貫衣評舊
學愛君新篇溢千
楮突兀寒霄見南
嶽龍蛇千丈老松
杉霹靂一殼揮電
電豈宜偃蹇處郎
曹固合逶迤步臺
閣天子聰明繼堯
舜廟堂論道皆伊
霍拔茅連茹收時
才尺寸高卑應不
錯君馳亨路鸚橫
秋我困汙泥龜縮
殼

贈張叅軍待舉

宣城之人張待舉高才未得見明主強將樽酒娛天
真猶得狂名落寰宇陶、復陶、意氣蛟龍豪滄溟
豈是遠銀漢不為高路途郭子陵陽津平生未識如
故人相歡握手輒大笑共訪瑤池尋玉真天門夜叉
識慮惡為我無錢謹閉鑰典闌却駕彩雲歸別入紅
憲共君酌醉來兀、乘扁舟長溪水碧芙蓉秋願逢
萬丈龍鬚蓆卷取月明歸玉樓

贈彭明微判官

昔謁公家賢侍郎一見許我能篇章俸梗兵酒屢持

送時、解榻令登堂今喜清風傳令子回首亨衢脫
雙屐北堂歸養太夫人水陸珍羞稱甘旨深沈大弟
蟠虬鱗兒孫藍綬何訖、有時宴喜列賓客洞房粉
黛桃花春玉指纖、拂絃索輕雲凝碧羅衣薄主人
快意妾爭妍松上女蘿知有託君不見景太傅殺身
本為功名誤又不見張舍人朝為近侍夕為民古來
寵辱亦如此安用浮雲纏此身愛君進退真得所不
負青春領歌舞我方兩鬢撲黃塵夢寐江南思舊土
別君去將拂衣扁舟若渡歷陽月願聽新歌酌酹歸

贈陳懶散

懶散翁何怪奇形容磊落似元亮情性孤高如伯夷
靈臺瑩徹軒轅鏡妍醜默辨毫與釐生涯只寄一壺
酒萬事掉頭予弗知或乘爛醉說儒佛風雲坐上騰
蛟螭頭晦自任不可測頭角變化將有時驚人一鳴
冲天一飛豈能盡事小隱堯舜君臣方有為懶散
勿懶散石渠金馬須翁來

贈舒州李居士惟熙

李居士存心最慕韓伯休州城賣藥不二價世人求

我、何求顏如渥丹眼如漆和氣酣、吐朝日偶來
握手為一言照盡五臟平生疾篋中自取三粒丹瘦
骨坐使春陽還便當投印棄冠帶與君海上策名山
深鋤茯苓釀濃酒極飲形骸可長久乘槎鼓枻入雲
濤醉放一絲携六鼈

謝杜倅職方兼簡湯史君

李白昔遊宣城時誰為太守賢相宜掣鈴交通喚六
博壯哉意氣凌虹霓北望樓高氣象古遺風餘思猶
依、我來正值青春半雜花爛笑禽爭飛輕烟繚繞

淡白日細風蕩漾吹遊絲高樓簾卷舞袖出百尺欄
干橫酒旗銀鞍白馬不知教龍箏鳳管相追隨杜陵
遠孫駕別乘恩威得所名殺馳華堂重構喚賓客風
前共倒黃金卮我為下客最踈放辱君許可能又詞
死生寅緣釋氏說但覺時換名姓非寄言太守勿感
感共對佳人花下迷莫教流水落花去空聞暮雨哀
猿啼

謝劉察推老丞相

秋風吹霜入松栢虛谷聲遙寒刺刺月華正高星宿

稀獨鶴不鳴嘴挿翼是時夫子為我吟逸調雄才世
無敵十年學詩自謂豪一日逢君有慙色恍疑醉夢
大帝家寶藏珠樓不知極蟠桃結實九重春金銀琅
玕萬林直須史收拾到平淡雨洗高峯增老碧又如
摩詰畫思精一幅霜綃數拳石鬼神怪變露形狀天
地英華發曾臆我家江南謝眺山々源流水長潺々
獼猴摘菓趨不去白雲常在衣裳間斷無車馬送塵
土獨與猿鳥期追攀一杯有酌醉復醉萬慮不到閑
中閑欲邀君去詠此景願窺巨筆追楊班其餘功業

未足數天馬安得超塵寰

謝東城練尉

我聞武夷山迤是神仙府靈丹棒峭慰異骨留深塢
有時風高月色靜天樂琤琮散天宇飄、秀氣鍾為
人往、穀名邁前古練君頭角傑然奇少年折桂登
雲梯陸機才華恨羞澁相如詞調慙支離青衫一命
東城尉能使斯民歌惶悻驚鳳肯與鷄鶩爭萬里雲
霄終自致東城烟水秋茫、覽古高吟應斷腸白蛇
血滅赤龍劍八千子弟同時止而今戰處無青草廟

門斜掩狐狸老群巫請雨搖鐮刀滴瀝椒漿荐蘋藻
力拔山兮安在哉丹青壁盡空塵埃因君吟想不能
已孤鴈一穀山月顏

謝淮西吳提舉子中

瘦馬徐行三百里撲、黃塵眼雙眯手携簿法趨使
臺惟恐瑕玼煩摘指藍衫感、走廊廡與坐撫循顏
色喜琅、先誦荊州吟醉來捉住鯨魚尾如今無復
氣凌雲首低徊逐泥滓頃臯又忘按察尊羅列壺
觴瞰池水圓荷翻風碧玉軟幽鶯得魚團雪起正當

煩暑浩如秋更聽高談清入髓君臣會合前世無朝
廷萬事圖新美甲花照日御營寒胡命懸然翔風裏
自嗟雖老力未衰命未遇知甘擯死南山射虎竟殘
年不得封侯亦徒尔感君欲引西江波涸轍行將脫
螻蟻功名成就須報恩莫道江南無壯士

仲春櫻桃下同許損之小飲因以贈之

君不見古人悲歌愁殺人一片花飛減却春徑須沽
取就花飲暫時爛醉陶天真借令黃金大於斗豈買
人間百年壽但願青春永不歸更得滄溟化濃酒朝

酌弗乾暮傾弗竭東向浮桑採日枝西入瑤池浴明
月枯桐三尺安足彈重華去矣薰風寒夷齊耻食首
陽粟屈子徒佩瀟湘蘭噫吁噫哉賢與愚同歸一死
胡為乎共君極飲且爛醉指點世路皆虛無許損之
爾為我滿斟我為爾高吟相逢莫恨晚結交貴知心
坐看南山一片霧忽成千里萬里之春陰

再遊花山

去年來時春未歸

老枝今日重來春已

去秀葉茂密藏黃鸝山家景物新換故世事塵埃朝

復暮白頭迤遞謝輪蹄青塚綿聯老狐兔令人歸興
如浮雲早向江山樂賤負不須訪道赤松子朗愛鱸
魚并紫萼

酬蔡尉秘校

環峯雨過煙嵐披君醉兀、騎馱歸明朝大字送蒲
篋乃是醉掃琅琊詩陽冰篆筆昔未有鉄索礧礧纏
蛟螭禹偁八詠不足數永叔爛漫鐫瑤碑山光水潤
洗出大古色更後敢作知為誰愛君瞻大少且銳挽
剔缺漏筆補之飄然一別今七載取讀往、生光輝

寧知流落尚為尉瀟湘邂逅令人噉又致新章溢編
楮遣僕買酒烹黃鷄伊予齒髮更衰落固異往昔相
逢時舉杯未盡輟醉倒跟吻雖強難扶持人生老去
百無益談新憶故惟傷悲勸君休吟亦勿飲掇株拘
坐真忘機死生終始了為一清風為我炎天吹

酬李從道太博

秋水浸天無表裏開帆已過三千里鸚鵡洲前途故
人往事新愁還可紀祖朝熙、民物好長憶聯車遊
五老烏啼花舞送春歸倏忽官書滿三考泛茲南北

趨塵勞往、遭嗤兒女曹斗筭之祿未能棄回首空
羨嚴陵高相逢彼此驚逢暮華下琳琅寫心素荷花
十頃逸君家豈是荒榛礙歸路悲歌不覺青衫濕酒
杯未滿愁先入聞說明朝趨玉京直節如今恐難立

公擇鄂守學士三堂請雨

廟門斜開壓江浦紅裳小巫來擊鼓太守焚香令致
詞願駕蒼龍作霖雨三神貯峙名謂何子胥范蠡馬
伏波圖經莫載碑字滅忠魂血食應不訛朝廷日夜
傳新令輔弼賢良元首聖陰陽調燮神相之忍使斯

民飢以病

酬魏炎秀才

碧雲暮合廬山頭夜蛩殺撼鄉園愁忽然一見舊遊
客賞酒不惜千金裘高談稍聽吐曾臆歛如野燒光
難收虎豹哀嗥走不徹獵網四面誰能搜嗟予慄、
畏事者兀坐視子勞雙眸主人欣歡並掃室鴈榻旋
列橫霜秋雨溪倒碧瀉明月松憲左右風颭、長篇
贈我不可和、酸酸溢令人羞

和懶散贈胡公

胡公家在東園隅世族蕃衍今仍孤平生嗜酒少知
者請說懶散提携初杖頭世界迷日月豁然心地無
榛蕪人：未飲公輒醉坐卧只與樽壘俱草華開口
洩上旨毛穎秃髮非中書貪官雖得後乃辱智慮可
惜於身踈豈如胡公泛滄海不用鼓柁并乘桴蓬萊
頂上受玉液酣：至樂忘榮枯劫火任滅公未醒不
復願進承明廬承明侍宴盡金玉君豈有意來相呼

月下獨酌二首

長空無雲江水淨月出東方掛金鏡我時有酒何處

斟破碎寒光借魚艇便邀玉兎乞靈藥一粒為醫天
下病玉兎既不報我亦醉不知舟人解事喚我起月
輪已轉西山西人間萬事不可了且與明月閑相隨
明月不解飲何事解照琉璃鐘金波蕩漾使我惜不
微一酌萬事逃心骨良時忍自棄聖代真難逢生平
不知耕與戰唯知猛飲大笑吟清風竹林七子豈足
數淵明五柳方途窮一身不為萬乘屈傲矣嚴陵垂
釣翁明朝官滿歸去來兮但願月輪不缺樽酒不空
吾君萬歲坐法宮四海長靜無兵戎

魏武廟

濡須山頭祠魏武炫轉紅裝按神鼓蘋藻盈筐酒蒲
樽呼吸風雷激春雨田疇高下春雨平操牲飲福羅
中庭吞吳成魏還歸晉血食猶叅杜鬼靈

向舜畢秘校席上贈黃州法曹杜孟堅即君

懿職方之孫也

青天無雲日華滿小妓樓中吹玉管卷簾不信夜霜
寒熏蘭酌桂肌膚暖黃州之客最少年醉來口角傾
詞源驚龍掣電繞滄海沙場陣馬成功旋殿賜新袍

織春草水溢雙瞳犀掉腦壯圖佇結明主知帶來黃
金應未老宣城憶拜乃翁時幕中珠履皆雄奇至今
名姓記僧壁當年已識麒麟兒嗟予老大日零落兩
鬢衰蓬眼生瘼寸心猶欲慕夷齊險路無緣攀衛霍
邂逅桐鄉逢故人槐槽瀉釀追陽春形容若畫凌煙
閣第一江南尋隱淪

懷青山草堂

三峯連延一峯尊龍山白紵如兒孫重岡複嶺控官
道北望金陵真國門淙流奔激洒河漢兩溪直接丹

湖源松荒檜老古佛刹鷄鳴春晚桃花村石崩廢井
謝公宅龜仆斷碣長庚墳斯人白骨已化土英氣往
往成煙雲我昔棄官結茅宇九品青衫安足數竹筒
盛酒騎白牛醉眠^眼彫^瞻天與天語如何贈^兩隨辟書十
年又向風塵趨只今南髮蒲霜雪功業不成思舊廬
山花解忘憂山鳥名提壺四鄰未必便棄我三徑荒
草還堪鋤烏泥田肥種秫稻紫萸味美饒嘉魚盈缸
釀酒邀客飲林下散髮時梳誰人繫尔不歸去自
問此心無乃愚

憶五松山

江南富山水忽憶五松山梁僧種松奪造物至今千
丈凌雲間上有寒蟾吐魄凝 冰雪下有銅陵碧
澗傾潺、雷公睥睨不可以揮斧老鶴飛來勢欲止
而復還猿猱側望何由攀琉璃殿閣若化出四天之
衆說法鳴金鑲我嘗脫屣往棲息六月清風無汗顏
濃陰可愛坐盤石綠酒酌盡橫琴彈命宮叩徵天地
變聽之以氣往、生羽翰紛埃不到佛淨國豈識人
間行路難塵勞忽起舊緣想倒騎匹馬來長安修鱗

掉尾業已困涸轍孰與西江瀾髮踈齒缺形將殘畏
塗足躡心膽寒屈原懷沙賈誼貶身後忠名何足觀
不如宴坐碧山裏笑傲每携雲月歡明朝却欲渡江
去五松巖戶無人閑方壺負嶠太殊絕幸有此山容
我閑

清明望藏雲山懷舊遊

憶昔清明出郊去藏雲寺前花正開蜜蜂銜蕊異香
散時、洒面微風來溪泉甘滑碧玉色晴山倒影無
纖埃紅粉佳人十七八踏青唱歌雲鬢顏黃犢行牽

載酒筮到處便傾三百盃或逢濃陰藉草坐口橫玉
笛吹落梅傍人問我樂何事我心無事同嬰孩誰令
東帶入官府觸網脩鱗難再回清明依舊好時節朱
顏憔悴無由陪藏雲之山亦非遠隔江東望青崔嵬

洛中王秀才談劉伯壽動靜慕其瀟洒作詩
識之

客來說劉翁嵩山跨黃犢青衣二雙鬢顏色若明玉
手携綠牙笛隨軒奏新曲倒傾酒榼松下飲旋開氈
帳雲中宿少年富貴老安閑自道此生無不足令人

慕高標神魄頓蕭爽何當揮兩翼乘風一飛往永結
斯人交道遙恣真賞長哦紫霞篇洞戶瓊瑤響胡為
戀青衫壯節空翫骸塵埃一闕城郭卑波瀾萬頃滄
溟廣明朝未作嵩少遊且向江南結魚網

逍遙亭歌一首贈太守王君章

逍遙之亭在何許城角西南小溪許水仙粉面浮清
波羽林兵伏森三畝六月微風拂面寒不信人間有
煩暑借問逍遙真隱徒西山看雪倒騎驢形骸兀兀
天壤俱盡手爭以丹青模火言得罪僅免誅斥叅軍

事來當塗傳云此地舊結廬百年荆棘遺荒墟公未
相址呼犁鋤獲亭化出瓊瑤鋪欄干闕角明青朱四
座瑩轍織埃無蘭芬麝裂陳罌孟珠履珊、陪後車
東瞻宣詔西浮圖晚光夕景迷蓬壺愛公心畫如明
珠落成之樂政事餘為公歌勸公醉留連亭上能幾
時行促星輅還玉陛

投獻省主李奉世密學

祖朝相國之真孫軒、冠蓋宜高門拔身州掾入政
府議論挺特窮根源顏淵必用孔丘鑄自此聲名聞

至尊熙寧神化邁前古屢詔馳車外循撫大河之北
淮之孺民起疵瘕男歌舞樞庭進直腰橫金君臣道
合同一心貨泉交滙指諸掌老吏縮手隨規歲如公
之才世希有突兀千丈輝喬林徐冠貂蟬坐廊廟重
見成王得周召泰山鏤牒天垂休却笑鴻蒙首頻掉
賤生流落何可言四十栖遲埋冗負涸鱗悵望一盃
水安用西江皓渺之波瀾顧公吐和氣稍回曦谷春
養成尺寸木為公車下輪它年青史上報德豈無人

俞俞堂寄鄂州李裕老

黃鶴樓南大湖側芙蓉深逸誰家宅云是裕老之宴
居高堂獨榜俞、額春山拖翠入平簷夏竹引涼吹
廣陌秋江澄月天鏡開冬雪擁林崑閬白世間萬事
不掛心筮撥香醪欣有客、來乎伴我飲不醉無歸
醉還寢問君欲達逍遙鄉信哉天地真衾枕覺來何
物能解醒試作琵琶打面敲俞、和氣決四體安用
辟穀求長生君不見鸚鵡洲前殺彌衡三赤稅杖當
雄兵才名誤身不自覺恬淡晦迹無人爭南北相望
二千里夢逐高帆送秋水為翁持酒聽翁歌衣濯黃

塵眼除昧

青山集卷三

十一



